

նայն թիւնաւոր կենդանի կարի լինիլ թագաւոր  
 քոյ, ոչ այսպէս այլ հարկաւոր է մեզ մեռանիլ  
 ազատ և պատրաստիլ վասն մեր կեանս յաւի-  
 տենականս քանթէ կալով մնալ կենդանի մար-  
 մնով 'ի կեանս անկարգութեամբ և ծառայու-  
 թեամբ և պատրաստիլ 'ի հանդերձելումն վախ-  
 ճան յաւիտենական. քանզի անասունք ևս ոչ ըն-  
 դունին 'ի մէջ վարուց իւրեանց ոմն ինքնակալ  
 և ինքնակամ իշխանութեամբ հրամայել 'ի վե-  
 րայ իւրեանց, ուրեմն որքան ամօթանք 'ի վերայ  
 բանական բնութեան մերոյ լինիցի զի հնազան-  
 զիցուք մեք 'ի առն ումեք ըստ նմանութեան և  
 բնութեան մերոյ, զի ինքնակամ բանիւ հրա-  
 մայեսցէ 'ի վերայ մեր, այլ եթէ գուցէ ընդու-  
 նիս ինքնակամ հրամանի 'ի վերայ քոյ 'ի կնո-  
 շէ պոռնկէ կարի պատճառն գարշելի ցանկու-  
 թեան, բղջախոհութեան բնութեան քոյ լինիցի,  
 և եթէ ընդունիս կամս ինքնակալի 'ի գինածախէ  
 պատճառն մոլեգնեալ կամաց արբեցութեան քոյ  
 լինիցի, այլ համանգամայն 'ի զօրութենէ բա-  
 նական հոգւոյ ծանեալ մոլութիւնն քոյ պարտիս  
 զղջանալ զի գործ քոյ չար է և աւերիչ պա-  
 տուական ազատութեան քոյ, հարկաւոր է քեզ  
 ըստ բնութեան բանական մարդոյ հետ կատա-  
 րելով ցանկութիւն սրտի և արբեցութեան քոյ  
 լրջանալով զղջացես և արասցես քեզ սահման  
 անշարժ ուղղելոյ վատթար յանցանաց քոց, զի